



TOSHKENT DAVLAT YURIDIK UNIVERSITETI REKTORINING B U Y R U G ' I

2021 -yil « 06 » 05

02-111 -son

Талабага ҳайфсан эълон қилиш тўғрисида

Бугунги кунда университетда юксак талаблар ва замонавий халқаро стандартларга жавоб берадиган юқори малакали юридик кадрларни тайёрлаш мақсадида талабаларни маънавий-ахлоқий тарбиялаш, ҳуқуқий маданияти ва онгини ошириш бўйича самарали тизимни яратиш, уларда юксак маънавий-ахлоқий фазилатларни шакллантириш ҳамда ривожлантириш мақсадида бир қатор комплекс чора-тадбирлар амалга оширилмоқда.

Шунга қарамасдан, университетнинг бир қатор талабалари томонидан Тошкент давлат юридик университетининг Одоб-ахлоқ кодекси ва Ички тартиб қоидалари (ички меҳнат тартиби қоидалари)ни бузиш ҳолатлари кузатилмоқда.

Жумладан, Жиноят ҳуқуқи, криминология ва коррупцияга қарши курашиш кафедрасига бириктирилган 5A240116 – Жиноят қонунчилигини қўллаш назарияси ва амалиёти мутахассислиги магистратура талабаси (таълим тили – ўзбек) Қўчқарова Умидахон Бахтиёр қизи кафедранинг магистратура талабалари билан ишлаш бўйича масъул профессор-ўқитувчиси А.Алланова томонидан магистрлик диссертациясининг бажарилишини ўрганиш мақсадида бошқа магистратура талабалари каби кафедрага чақиртирилган.

У.Қўчқарова магистрлик диссертациясини тайёрлаш ва расмийлаштириш ҳолати бўйича кафедра профессор-ўқитувчилари томонидан асосли билдирилган камчиликларга жавобан кафедра профессор-ўқитувчилари С.Ниёзова ва А.Аллановаларга нисбатан қўлини пахса қилган ҳолда баланд овозда қўполлик қилган ва кафедра эшигини қаттиқ ёпиб кафедрадан чиқиб кетган.

Мазкур ҳаракатлари билан Қўчқарова Умидахон Бахтиёр қизи Тошкент давлат юридик университети Одоб-ахлоқ кодекси 18-моддасининг биринчи (ходим, талаба ва докторантларнинг ўзаро муносабатлари миллий кадрият ва

анъаналар, ягона жамоавий муҳит, ўзаро ҳурмат ва эътибор, дўстлик, ҳамжиҳатлик, ҳалоллик ва адолат тамойилларига асосланиши лозим) ва иккинчи (ходим, талаба ва докторантларнинг ўзаро муносабатларида инсон кадр-қимматига ҳурматсизлик, шахсиятни камситиш, ўзганинг интеллектуал мулкини ўзлаштириб олиш, кўполлик, беҳаё сўзлар ишлатиш, муштлашиш қатъиян ман этилади) хатбошиларида белгиланган қоидаларни бузган.

Юқоридагиларни инобатга олган ҳолда Олий таълим тўғрисидаги низом (рўйхат рақами 1222, 2003 йил 22 февраль), университет Одоб-ахлоқ кодекси ва университет ректорининг 2021 йил 1 мартдаги 08-44-сон буйруғи билан тасдиқланган Тошкент давлат юридик университетининг Ички тартиб қоидалари (ички меҳнат тартиби қоидалари)нинг 83-бандига асосан ҳамда Магистратура бўлими бошлиғининг тақдимномасига мувофиқ,

БУЮРАМАН:

1. Қўчқарова Умидахон Бахтиёр қизи – 5A240116 – Жиноят қонунчилигини қўллаш назарияси ва амалиёти мутахассислиги (таълим тили – ўзбек) магистратура талабасига ҳайфсан эълон қилинсин ва юқорида келтирилган ҳолатлар яна такрорланган тақдирда талабалар сафидан четлаштирилиши тўғрисида огоҳлантирилсин.

2. Магистратура бўлими бошлиғи А.Бабаджанов:
ушбу буйруқ билан магистратура талабаларини таништирсин;
магистратура талабаларнинг шахсий ҳужжатлар йиғмажилдига буйруқ нусхаси тикилишини таъминласин.

3. Мазкур буйруқ бажарилишини назорат қилиш проректор А.Ҳашимхонов зиммасига юклансин.

Ректор

Р.Ҳақимов